

ՍՏԵՓԱՆՈՍ ՆԱԶԱՐԳԱՆԻ ՄՆԵԴՅԱՆ 175 ԱՄՅԱԿԻ ԱՌԹԻՎ

1987 թ. հունիսի 17—18-ին ՀՍՍՀ ԳԱ Մ. Արեգյանի անվան գրականության ինստիտուտում տեղի ունեցավ դիտական նստաշրջան՝ նվիրված Հայ ականավոր հրապարակախոս և գիտնական Ստ. Նազարյանի ծննդյան 175 ամյակին:

Բացման խոսքով Հանդես եկավ ՀՍՍՀ ԳԱ ակադեմիկոս Էդվարդ Զբրաշչան: Նա մասնավորապես նշեց, որ Ստ. Նազարյանի անունն անխզելիորեն կապված է անցյալ դարի 50—60-ական թվականներին հետ, որն իրավամբ համարվում է ազգային զարթոնքի կամ վերածնության ժամանակաշրջան: Այդ տարիներին սկսվեց Հայ նոր գրականության, մամուլի և հրապարակախոսության ամենից արդյունավետ զարգացման շրջանը: Նազարյանը եղավ այդ բեկման դարաշրջանի խոշորագույն գործիչներից մեկը, որը վիթխարի դեր է խաղացել մեր նոր գրական լեզվի և գրականության, կյանքի և մշակույթի նկատմամբ առաջադիմական հայացքների հաղթանակի գործում: Նրա «օրերի և վատակների» լավագույն և ամենարժեք արտահայտությունը եղավ 1858—1864 թթ. «Հյուսիսսփայլ» ամսագրի հրատարակությունը, որն անշնչելի հետք թողեց Հայ մտավոր կյանքի բոլոր մարզերում: «Հյուսիսսփայլ» խմբագիրն իր գլխավոր աշխատակցի՝ Նալբանդյանի հետ կարճ ժամանակում հսկայական գործ կատարեց Հայ ամբողջ հասարակական և մտավոր կյանքի վերանորոգման համար:

Վերջում էլ. Զբրաշչանը խոսեց նաև Նազարյանի գրական ժառանգությունը հրատարակելու և ուսումնասիրելու ուղղությամբ կատարված աշխատանքների մասին: Նա շեշտեց, որ Նազարյանի ամբողջ գործունեությունը ներշնչված էր Հայրենասիրական ազնիվ նվիրումով, և նրա կյանքն ու գործը հարազատ ժողովրդին ու մշակույթին անձնվիրաբար ծառայելու գեղեցիկ օրինակ է:

«Նազարյանի գերմաներեն ինքնակենսագրությունը» թեմայով զեկուցում կարդաց բանասիրական գիտությունների դոկտոր, պրոֆեսոր Պրեմ Հանդրյանը, որը նախ հրատարակեց այդ ուշագրավ վավերագիրը (Հայերեն թարգմանություն), այս պնդմանը միջավայրն ու հանգամանքները, որոնք կյանքի են կոչել Նազարյանի այս առաջին կենսագրությունը: Իր իսկ վկա-

յությունը Նազարյանը 1814 թ. ծնունդ է: Նա ազգային լուսավորության գործին նվիրվելու գաղափարով տարված է եղել գեռ Քիֆլիսում ուսանելու տարիներին, և Դորպատ գալու պատճառը եղել են հայատուր Աբովյանի նամակներն ու հորգործերը: Նազարյանի ճակատագրի մեջ Աբովյանի խաղացած բախտորոշ դերը առանձնապես ընդգծվում է Դորպատի ուսումնական շրջանի հոգաբարձու Կրաֆստրոմի 1836 թ. հոկտեմբերի 2-ի և Ռուսաստանի հանրային կրթության մինիստր Ս. Ուվարովի՝ Նազարյանին պետական թոշակ տալու մասին զեկուցագրերում, որոնց այնուհետև ծանոթանում է Նիկոլայ I-ը և իր համաձայնությունը տալիս՝ Հայ ժողովրդի համար ուսուցիչ պատրաստելու նպատակով պետական զանձարանից Նազարյանին տրամադրելու տարեկան 500 ռ. թոշակ: Այս վավերագրերը հերքում են այն անհղ հայտարարությունները, թե իբր գորպատյան տարիներին Աբովյանը ենթարկվել է պետական հալածանքի: Ռուսական տերությունը նման անձի ձեռնարկումը չէր կարող խրախուսել: Զեկուցողն անդրադարձավ նաև Նազարյանին ուղղված Աբովյանի նամակներին, որոնք, դժբախտաբար, չհրատարակվեցին և կորան անհայտ իրադրություններում: Հմայված յինելով Աբովյանի անձով, Նազարյանը, այնուամենայնիվ, չէր բաժանում աշխարհարարի մշակման Աբովյանի սկզբունքներն ու փորձը, հետևաբար Աբովյանի՝ իր տրամադրության տակ եղած երկերից նա ոչ մի տող չհրատարակեց:

Բանասիրական գիտությունների դոկտոր, պրոֆեսոր Սերգեյ Պետրոնյանը հանգես եկավ «Ս. Նազարյանի և Մ. Նալբանդյանի փոխհարաբերության հարցերից» զեկուցմամբ: Շեշտելով այն հանգամանքը, որ Նազարյանի և Նալբանդյանի փոխհարաբերությունները ճիշտ ըմբռնելու համար պետք է ելնել նրանց ապրած դարաշրջանից, հստակ պատկերացնելով անցյալ դարի 50—60-ական թվականներին Հայ իրականությանը ու նրանք ապրել և գործել են, զեկուցողը հանգամանորեն և նորովի լուսաբանեց երկու մեծ մտածողների գրական-հասարակական առնչություններին ու համագործակցությանը վերաբերող հարցերը:

«Հայագիտական հարցադրումները Ս. Նազարյանի աշխատություններում և ուս գրականագիտական միտքը 1840-ական թվականներին»

թեմայով զեկուցում կարդաց բանասիրական գիտությունների թեկնածու էդուարդ Հակոբյանը: Խոսելով այն մասին, որ մինչև XIX դ. 40-ական թվականները հայագիտության ասպարեզում Ռուսաստանում քիչ բան էր արված, նա ընդգծեց, որ Նազարյանը գրեթե միակ հայագետն էր Ռուսաստանում, որը հայոց լեզվի, գրականության և հայ ժողովրդի լուսավորության հարցերի ուսումնասիրությունը գրեց գիտական հիմքերի վրա: Նազարյանը գտնում էր, որ հայագիտությունը առաջին հերթին կոչված է հետազոտելու հայ ժողովրդի պատմությունը: 40-ական թվականներին գրած իր գործերում («Ակնարկ Հայկազյան գրականության պատմության, մինչև 13-րդ դարի վերջը», «Հայ գրականության նոր ժամանակների պատմության ուրվագծեր») և նամակներում նա պնդում էր, որ հայերը պետք է իմանան իրենց փառավոր անցյալը, խորապես ուսումնասիրեն լեզուն և գրականությունը: Բարձր գնահատելով միջնադարյան հայ հեղինակների գործերը, Նազարյանը գտնում էր, որ միայն Խորենացու «Հայոց պատմությունն» ու Անիի հոյակապ կոթողների ավերակներն արդեն խոսում են հայ ժողովրդի դասական ճաշակի մասին: Անդրադառնալով հին և միջնադարյան գրականությանը, նշեց զեկուցողը, Նազարյանը, այնուամենայնիվ, չէր շեղվում ժամանակի սուր հարցերից, այլ դրանք գիտում էր ազգային լուսավորության հրատապ խնդիրների լույսի տակ:

Նազարյանի մանկավարժական գործունեությանն էր նվիրված մանկավարժական գիտությունների դոկտոր, պրոֆեսոր Թադեոս Զուհադյանը: Նազարյանի մանկավարժական հաջողությունները զեկուցումը: Բ. Զուհադյանը առանձնապես նշեց, որ Նազարյանը մեծապես նպաստել է հայ մանկավարժական մտքի զարգացմանը՝ անդրադառնալով լուսավորության, կրթության, քառասիրականության այն բոլոր հարցերին, որոնք հուզել են իր ժամանակակիցներին, և որոնցից շատերը այնքան հիմնավոր են լուսաբանվել, որ մինչև այժմ պահպանում են իրենց կենսունակությունը: Զուհադյանը գտնում էր, որ Նազարյանը մանկավարժության տեսության և պատմության հարցերը, Նազարյանը գրում է ոչ միայն գրասարքեր և ձեռնարկներ, այլև հեղինակում է մի շարք աշխատություններ («Միշին գարու կրթության պատմություն», «Առաջին երեխայական տարիների խորհուրդը», «Առաջին դաստիարակության մասին», «Պատմություն կրթության նորագույն ժամանակի» մինչև սկիզբը 19-րդ դարի»), որոնք լույս են տեսել «Հյուսիսօտոմիայի» էջերում:

Բանասիրական գիտությունների թեկնածու

Մարգո Մխիթարյանի զեկուցումը՝ Վ. Նազարյանի մշած գրական բանավեճերի պատմությունները, նվիրված էր լուսավորական-դեմոկրատական ուղղության շատագույն շարժումներին: Վեճերի հիմնական հոսանքի օրգաններն «Մեղու Հայաստանի», «Եռաբաղ», «Մասյաց աղավնի» պարբերականների միջև մղված գրական-գաղափարական բանավեճերն էին: Զեկուցողը նշեց, որ 60-ական թվականների այդ բանավեճերը հաճախ հեռանում էին հրապարակախոսական ազնիվ պայքարի միջոցներից, տեղի գիշերով սխալաստիկ վեճերի և կրոնական դոգմայի պարտագրող ժամանակավորի պահանջներին: Չնայած Նազարյանի համար ստեղծված բարոյական և նյութական ծանր պայմաններին, հրապարակախոսին հաջողվեց պատասխանել ժամանակի առաջադրած հրատապ խնդիրներին: Նա մշակեց գրական աշխատահարը, սկզբնավորեց աշխարհիկ գրականությունը՝ պայքարելով ազգային կյանքի բուռն զարթոնքի, հայ ժողովրդի մտավոր վերածնունդի համար:

Վտեփանոս Նազարյանը՝ 1840-ական թթ. հայ լուսավորական գործիչները զեկուցմամբ հանդես եկավ բանասիրական գիտությունների թեկնածու Ռուզան Նազարյանը: 1830-ական թվականներին հայրենասիրական նորահաս գաղափարներով տոգորված Մ. Թադեոսյանը, Խ. Աբովյանը, Ս. Նազարյանը՝ հոգեւոր շարժման այդ առաջյալները, ասաց Ռ. Նանումյանը, նոր կյանքի են կոչում հայությանը, ազդարարում ազգային լուսավորական զարթոնքն ու վերածնությունն առաջ մղող գաղափարներով: Նազարյանի և նրա համախոհների լուսավորական-դեմոկրատական գաղափարները, ուր արտացոլվում էին նրանց հակակղերական և հակաֆեոդալական հայացքները, աշխարհաբար լեզվի բազմաբարձրական իրավունքը նվաճելու պահանջը, ազգային գրականությունը աշխարհականացնելու և եվրոպական լուսավորությամբ սթալության խավարը փարատելու ձգտումը, խորացան և լայն տարածում գտան 1850—1860-ական թվականներին հայ վերածնության մեջ, նոր հիմքեր ստեղծելով հաջորդ տասնամյակների լուսավորական վերելքի համար:

Վտեփանոս Նազարյանի ծննդյան 175 ամյակին նվիրված գիտական նստաշրջանը լավագույն առիթ հանդիսացավ՝ արժանին մատուցելու այն մեծ ծառայություններին, որ նա ունի հայ գրականագիտության, լեզվաբանության, պարբերական մամուլի և գրականության, հասարակական ու փիլիսոփայական մտքի պատմության մեջ:

ՄԱԳԻԱՆԻԱ ՀԱԿՈԲՅԱՆ
ՄԵԼԱՆԻԱ ՄԻՔԱՅԵԼՅԱՆ